


4. dem vmbkreiß / zu dem Centro warts / vnd zeichnes.
 Ziehe von jedem gezeichneten puncten / zwo winkel-
 rechte linien / biß zu dem vmbkreiß / so hastu den Cir-
 kel warhafftig in drey gleiche theil getheilet.

Zu einem Exempel.



Es sey vns geben
 ein Circel des Dias-
 meter sey / 140. V .
 den sol ich theilen in
 drey gleiche theil / so
 sag ich 7168. geben /
 140. V . was geben
 2635. machs / so
 kompt / 51. V . 7. V .
 7. V . Diese zehle ich
 auff beyden seitten /
 von dem vmbkreiß
 an / zu dem Centro
 warts / vnd zeichne

sie mit den puncten C. vnd D. Ferner ziehe ich aus beyden seel-
 gemelten puncten / winkelrechte linien / biß zu dem vmbkreiß /
 die sein FCG. vnd HDK. das also der Circel / in drey
 gleiche theil getheilet ist / in die zwen Circeltrumb FGB. vnd
 HKA. vnd in das viereck HKGF. denn so du die groß /
 solcher beyder Circeltrumb / vnd des vierecks suchest / wirst
 du befinden / das ein jedes 5133. V . 5. V . $\frac{1}{3}$. V . groß sey / vnd das
 der ganze Circel / 15400. V . 0. V . 0. V .

Da er aber sol in vier gleiche theil getheilet
 werden / so thu ihm also.

1. Ziehe einen Diameter durch den Circel vnd mise in.
2. Sag 10240. geben den ganzen Diameter / was ge-
 ben 3051. 3. Diß